


Коми Республикаса том войтырлөн газет



6+



**Выль вермёмъяслань,
томулов!**

7 л.б.

**Тайö
НОМЕРЫН**

Унаöн нин видзöдiсны Коми Республикаса вужвойтырлөн шылада-драмаа театрлысь выль петассö - «Петербургсь инкогнито» мюзикл. Городничöйöс сэнi ворсiс Андрей Епанешников. Буретш сыкöд уси шуд сёрнитыштны.

4
Л.Б.

Декабрь 6-7 лунгъясö Сыктывдiн районн мунiс йöзкостса сыланкывгъяслөн «Завалинка» в валенках» фестиваль. Таво гажыс петiс регионгъяскостса тшупöдö, öд Коми Республика кындзи петкöдчисны Марий Элысь, Чувашияысь да Архангельск областысь творчествöа котыргъяс.

5
Л.Б.

Волонтёрөн медым лоны, колö лоны осьса сьöлöма, йöзлы отсавны радейтысь мортөн. Оз быдöнлөн тайö артмы, а удждоныс - колана удж вöчöмысь нимкодълун. Волонтёрөн уджалöм йылысь висьталö Эжва районса «Ребгъчгъя республика» котырё пырысь Анатолий Боков.

6
Л.Б.

Пасйылiм нин «Йöлöгалөн» лист бокгъясн Кöрткерöс районса Лöкчимдiн школаысь велöдчысыяс йылысь. Миянöс тöдмöдiсны, кутшöм енбиа да киподтуя ныв-зон сэнi велöдчöны.

7
Л.Б.



**Выль во
кежлö
козин дась**

Койгорт районса семьялы да челядлы социальнöй отсöг сетан шöринн уджалö «Гнёздышко» клуб. Выль во кезлö сийö заводитiс нин дасьтыны козингъяс.



Локтан воыс лöö Ыж паса воөн. Клубö воысыяс дасьтiсны нин мича прихваткаяс. Татшöм козиныд колана быд кöзгъякалы. Козингъяс дасьтыны кутасны на водзö.

Гажöдчисны пöттöдз

Вермытöм челядлы да том йöзлы Ухтаса реабилитация шöринн мунiс «Колесо чудес» ворсöм. Сийöс сийöма инвалидгъяслөн войтыркостса лунлы.

«Колесо чудес» - быдвося традиционнöй гаж. Öнiя гажыс йитчис Выль вокöд. Ныв-зон радпырысь пырöдчисны конкурсгъясö, выльвося ру шымыртiс быдöнöс.

Челядь дорö волiс Ема баба. Сийö шмонитiс, нöдкывгъяс юалис, ворсiс, а медгъяс водзмöстчысь челядлы сетiс козингъяс.

Ена нин вичгысына лои Лымнывлөн волöмыс. Сийö ворсiс челядькöд «ручегъкысь». Залсö кык команда вылö юкöм бöрын заводитчис гажа дискотека.

Рыт помын гижисны Кöдзгъид пöльылы öтув письмö. Челядлы вичмисны козингъяс да уна рöма шаргъяс.

Социальнöй технологияс сöвмöдан регионса шöринлөн сайт серти.



Лыйсясны ньөвйөн

Сыктывкарын лои пейнтболлөн выльпөлс ворсөм - ньөвйөн лыйсян «ПереСтрелка». Кыдзи юөртис юркарса том йөзлөн шөринөн веськөдлысь Александр Морозов, оружие пыдди лоө небыд йыла ньөв. Медым дзесбыны наысь, лоө дасьтөма пөльтөм дзесбасьяс, а чужөм доймалөмысь видзас аслыспөлс шлем.

- *Важөн көйи котыртны Сыктывкарын гажаа прөст каг коллаланин. Бур, мый тайö ворсөмын пейнтбол дорысь онджык доймав. Чайта, мый татшөм ворсөмыс кажитчас том йөзлы, -* төдчөдис Александр Морозов.

Ворсөмыс нималө мирса некымын странаын.

«Коминформ» серти

Колана индөдьяс

Тöлын ю вылын астьö колана ногөн кутөм могысь Россияса МЧС-лөн Коми Республикаса юкөнын уджалысь инспекторьяс волсны Сыктывкарса 1 номера гимназияö.

700 сайö велөдчысь төдмалісны, кутшөм овлө топыд йи, кытөн да кыдзи колö вуджны öти бересьянь мөдö, а сідзжö, кыдзи отсавны вöйысь мортлы, кутшөм медводдза отсөг сылы колö.

ГИМС-са инспекторьяс петкөдлісны велөдчысьяслы кино да налөн уджын колана эмбур - «Конец Александрова» да спасательной жилет. Найö вочавидзисны челядлөн юалөм вылө эз сөмын ва вылын безопасность, но и асланыс удж кузя. Быдөн вермис пасьтавлыны отсөг сетан жилет да шыбитны «Конец Александрова».

МЧС-ын уджалысьяс воласны и мукöд учреждениеö. Найö эскöны, мый татшөм аддзысьлөмыс колана, видзасны ва вылын овлысь видзчысьтөмторйысь.

*Россияса ГУ МЧС-лөн
Коми Республикаса юкөнлөн
сайт серти.*

<http://vk.com/yologa>



Республика нималіс

Декабрь 3-4 лунгьясö Кировын муницип туризмын «Russian Event Awards» национальной премиялөн финал. Конкурс бöрын лөсьөдісны Россияса регионгьяслысь рейтинг.

Миян республика нимсянь петкөдчис 5 проект. Нельыс босьтис приза места. «Люди Леса» фестиваль да Корткерөс районса Ыджыдвиддзын мунысь «Лямпиада» лызь гаж вермисны асланыс нимпасын. «Черинянь гаж» лои мөдөн сёян-юан гажьяс номинацияын. А финн-йöгра этнокультурной парк босьтис коймөд места кыдзи медбур туристической площадка.

Фестивальлөн рейтингын Коми Республика сувтис витөд тшупöд вылө.

«Коминформ» серти

КОЛАНА УДЖ

Уджыд бурдөдас

Неважөн «Коми йөзөдчан керка» учреждениеысь журналистьяс общественной советкөд öтув ветлісны Княжпогост районысь Месью сиктса «Город без наркотиков» реабилитация шөринö.

Реабилитация шөринөн веськөдлысьяс нуөдісны экскурсия. «Город без наркотиков» олö аслас олөмөн. Тані оз позь юны, ноксыны дурмөдчанторйөн. Шөринас бурдөдöны йөзөс сідз шусяна трудотерапия отсөгөн: шөринлөн вель ыджыд видз-му овмөс. Öнi Месью сиктын бурдөдчö да уджалö 50 сайö морт. Найö дзоньталöны асьыныс оланін, картаяс да мукöд стрöйба. Уджалöны му вылын. Сёянлысь ыджыд пай быдтөма-лөсьөдөма шөринса олысьясөн. Тайö и град выв пуктас, и йөв, и яй. Кыпөдөма нянь пöжаланин. Прөст кадсö шөринса войтыр коллялöны спорт площадка вылын да клубын, гождөмнас нуөдöны футболысь турнирьяс. Клубын торгья жыр вичмөдөма тренажёрьяслы, а сцена вылын сулалöны музыкальной инструментьяс: гитара, аккордеон, барабан да сідз водзö.

Медбöрын ФСКН-өн веськөдлысь Александр Николаевич Загородний, общественной советö пырысьяс да советлөн председатель Нина Александровна Нестерова, иеромонах Александр Митрофанов, Коми йөзөдчан керкаөн веськөдлысь Вячеслав Васильевич Попов да «Город без наркотиков» фондөн веськөдлысьяс нуөдісны сёрни, кыдзи водзсасыны морт олөм тшыкөдан дурмөдчанторлы.

Мария ИГУШЕВА

ВОДЗМӖСТЧӖМ

Дерт, унаӧн нин видзӧдисны Коми Республикаса вуж-войтырлӧн шылада-драмаа театрлысь выль петассӧ - «Петербургсь инкогнито» мюзикл. Лӧсьӧдӧма сійӧс Н.В.Гогольлӧн «Ревизор» пьеса серти. Шыладсӧ гижӧма Виктор Васильевич Плешак, либреттосӧ - Олег Аскерович Ернев. Мюзиклсӧ петкӧдлӧны Россияса медся гырысь каръясын, а таво сійӧс адзылісны и коми войтыр.

Коми городничӧй юксис гусяторнас

Комиӧдӧ либреттосӧ поэт Евгений Валерианович Козлов. Театрса режиссёр Светлана Генриевна Горчакова мюзиклсӧ дасьтӧс ӧнія кадлы лӧсяланаӧн: чиновникъясыс ноутбукасьӧны, городничӧйлӧн гӧтырыс велотренажӧрасьӧ...

Видзӧдысьяслы зэв ӧна воис сьӧлӧм вылас и чӧскыд, ловъя коми кывйыс, и лӧсьыд шыладаыс, и артистъяслӧн енбиа ворсьомыс.

Хлестаковӧс ворсӧс Александр Ветошкин. А Городничӧйӧс - Андрей Епанешников. Буретш сыкӧд уси шуд сёрнитыштны.

- Тіян серти, «Ревизорын» петкӧдлӧм ылдчӧмыс, горшасьӧмыс, асланьыс куралӧмыс коми войтырас эм жӧ?

- Абу ӧд весьшӧрӧ Николай Васильевич Гоголь - классик, и ставыс, мый сійӧ гижис, быд войтырлы да быд мортлы лӧсьӧ.

- А кутас кӧ театр

татшӧм мисьтӧм мортгуйсӧ йӧзыслысь петкӧдлыны, оз-ӧ лӧк вылӧ тайӧ ло? Видзӧдысьыс шуас: «Но, ставӧн тай ме кодьӧсь вӧлӧмаӧсь, сідзкӧ, и водзӧ кута ылдчынны, гусясынны и с.в.» А адзас кӧ видзӧдысьыс, кутшӧм лӧсьыда позьӧ овны (шуам, «Садьмы да сьыв!» спектакляс), гашкӧ, и ловзяс, и мортъяммас?

- Оз позь войтырсӧ сӧмын юмолӧн вердны. Колӧ петкӧдлыны, мый и сьӧдыс олӧмас эм. Абу ставӧн ангельяс. Кутам кӧ сӧмын петкӧдлыны, кутшӧм ми сӧстӧмӧсь да шаньӧсь, оз бурмыны йӧзыс. Сы вӧсна мый найӧ: да, кыпыгмасын, а сӧсья петасын да сигарет помъяснас ывласӧ тыртасын. Театрыд ӧд быдпӧлӧс: сійӧ петкӧдлӧ оз сӧмын мортлыслысь медмича пытшкӧс озырлунсӧ, но и медпыгӧ, медмисьтӧм порокаяссӧ.

А неважӧн син улам веськалісны татшӧм кывъяс: «Дӧзмӧм мортлыс

мукӧдсӧ дзерӧдӧ». Со и дугдывтӧг бергалӧ тайӧ кытшыс. Кор кодкӧ дойтас тӧнӧ, а тӧ прӧститан да лӧдзан сійӧс, сӧк и ачыг мездман. Спектаклясьыс йӧзыс адзӧны, кыззи ӧти морт лӧгӧдӧс мӧдӧс, мӧдыс - коймӧдӧс. Йӧзыс бокасынь асьнысӧ адзӧны.

- А менӧ чиновникъяслӧн кевмысьӧмыс шӧйӧвоштӧс.

- Здравствуйте! Тайӧ кевмысьӧм бӧрас менам сьӧлӧм вылын сӧтшӧм бур лои. Городничӧйыс ӧд став сьӧлӧмсяныс кевмысьӧ. Шуӧ: «Батюшки-сватушки! Отсалӧй, вежа угодникаяс! Тайӧ кык вежоннас... Ноко, господа, казътыштӧй, казътыштӧй...». Сійӧ чайтӧ, ревизорыд ставсӧ гижис, мый кык вежоннас вӧлі. Сылӧн кысис ставыс, сьӧлӧмыс тайкӧ вомсыс оз чечышт. Оз, тані сійӧ збыльысь кевмысьӧ, сьылӧ. Менӧ весиг йирмӧг босытӧ - сӧтшӧма сьылӧ. Сійӧ куланвыйын нин, некодлы



оз лысьт эскыны, сӧмын Енмыслы.

- А мыйла мортлыс татшӧмӧн лӧ?

- Бать-мамсянныс, кодынь нӧшта? Сӧсья коркӧ кагаыс веськалӧ тшӧтшыгяс чукӧрас, а сӧні лидер. И лидерыс ас улас шымыртӧ. Ставӧн сылысь кывзысьӧны. Городничӧйыс сідзжӧ ас кодгӧмтӧ ставнысӧ: «Калымьяс кӧ эг босыт да дыш улӧ кӧ сетчи, мый вылӧ ӧні котыртӧ банкетсӧ?!»

- Аттьӧ, Андрей, лӧсьыда сёрнитӧмсьыд! Мед эськӧ и водзӧ тӧнад артмас тадзи жӧ сьӧлӧмсяныд да гӧгӧрбок артыштӧмӧн ворсны быдпӧлӧс геройӧс!

*Сёрнитӧс
Ольга БАЖЕНОВА*



ГАЗ

Декабрь 6-7 лунъясö Сыктывдін районын муніс йöзкостса сьыланыкывьяслөн «Завалинка» в валенках» фестиваль. Таво гажыс петіс регионъяскостса тшупöдö, öд Коми Республика кындзи петкöдчисны Марий Элысь, Чувашияысь да Архангельск обласьтысь творчествоя котыръяс. Пыдди пуктана гöсьтьясөн вöліны Вöлөгдаысь «Мастер-класс» шоу-дуэт да Санкт-Петербургысь «Калина красная» котыр.

Тын сапöга гаж

Фестивальыслөн медводдза луныс муніс Вьльгортса культура керкалөн сцена вылын. Котыръяслы коліс сьывны чужан кывйөн кык сьыланкыв. Выступайтöм костын вöчисны театрализуйтöм петкöдчöм: медшöр герой Иван корсис невестасö. Тöвсә темалы зэв нин лöсялісны Паджгаысь «Отрада» челядь ансамбльлөн, Вьльгортысь «Виктория» шоу-балетлөн, «Леди РОНО» йöктан сборнöйлөн петкöдчöмъясыс.

Гажыслөн шöр тшупöдөн лои декабрь 7 лунö Вьльгортса медшöр площадь вылын «День Екатерины-санницы» петкöдчöм. Роч традиция серти, тайö лунö воссис даддьөн ветлан туй, том йöз лунтыр исалісны да катйтчисны мичмöдöм вöвьясөн да даддьөн. Та понда и фестиваль вылö ставөн локтісны мичмöдöм дадьясөн.

Изьбöдана частушкаяс да сьыланкывьяс отсöгөн артмис öти ыджыд йöктан-сьылан кытш. Видзöдысьяс окотапырысь сьылісны «Завалинка», «Валенки».

Фестиваль помын Сыктывдін районса администрацияын культура юкөнөн веськöдлысь Андрей Андреев козыналіс фестивальö пырöдчысьяслы гажыслысь медшöр символ - Вьльгортса фабрикаысь гын сапöг. Медводдза лун помын тöвсә фестивальын медбурьясөн лои Паджгаысь «Зарава» котыр. Налы вичмис фотоаппарат.

Гажыслөн кык лун чöж культура керкаын уджаліс Сыктывдін районса кипода йöзлөн ярманга. Сіджö нуöдісны «Читающая «Завалинка» акция. Фестиваль вылö воысьяс вермисны нимкодьясны сэтчöс вөр-ваөн, тöдмавны литература геройясöс, көртавны «небöг пу» вылö ленточка.

Помасис «Завалинка» в валенках» Коми Республикаса филармонияын концертөн, көні сьылісны «Мастер-класс» шоу-дуэт да «Красная калина» йöзкостса котыр.

*Сыктывдін районса администрациялөн
пресс-служба серти*



**Босьт
ПРИМЕР**

Волонтёрон медым лоны, колö лоны восяса сьёлöма, йöзлы отсавны радейтысь мортон. Оз быдöнлön тайö артмы, а удждоныс - колана удж вöчöмысь нимкодълун.

Нимкодъ колана удж вöчöмысь

Вайö тöдмасым том волонтёр, Эжва районса «Ребячья республика» котырö пырысь Анатолий Бокковöд.

- Мыйла тэ лоин волонтёрон?

- Быд морт сы вьлö и эм, медым отсавны матысса йöзлы. Шуд, нюмъялöм, мортлы отсалöмысь нимкодълун - тайö уджыс менам хобби, став олöмлön сюрös. Став прöст кадöс сиа тайö колана уджыслы.

- Кутшöм пай верман пуктыны ассяныд?

- «Ребячья республикаын» отсалё лöсьöдны ичöт командаяс, а тшöтш и дасьтыла уна сикас социальной акция. Та кындзи лöсьöда быдсикас видеofilm да ролик, фотографируйта. Гашкö, тайö ставыс ковмас коркö водзö вьлö.

- Ковмыліс-ö отсавны ас командаыдлы, көть эськö кадыд да позянуныд эз вöв?

- Весиг велöдчöмысь ковмыліс вöзйысьны, медым

тыртны «Чистый дом» акциялысь план. Кодлыкö быть вöлі тайöс вöчны.

- Уджавлан-ö ас көсьöм серти нормамысь унджык?

- Некор ог шу «ог», тшöктöны кө мыйкö вöчны. Меным колö уджавны 10 морт пыгди.

- Кутшöм командаа удж вöчлін?

- Эжваын акциясын, регионъяскостса форумын удж, шуам, регыд на муніс «Мы вместе» форум - ассым уна вын-эбös сэтчö пукті.

Анатолийкöд сёрнитігön казялі сылысь шаньлунсö. Сійö дась воны отсöг вьлö, зильö збыльмöдны көсьöмъяссö. Эз öд прöста Анатолий ло лидерон «Ребячья республика» котырын.

Кöсьян кө и тэ лоны волонтёрон, эн пов. Уджыс нинöмön оз торъяв мукöдысь, оз торк школаын велöдчöмтö. Эскы аслад вынö, и ставыс артмас!

Ирма БЛЮМ,
«СМЭЖ» пресс-центрын корреспондент.





Пасйылим нин «Йөлөгалён» лист бокъясын Корткерос районса Локчимдин школаысь велөдчысьяс йылысь. Миянос төдмөдисны, кутшом енбиа да киподтуя ныв-зон сэни велөдчöны. Кужöны кабалаысь вöчны мича юсьöс либö бисерөн кысьыны, кодкö радейтö серпасасьны, а кодлыкö туризм кажитчö. Школаысь öтдор быдөнлөн эм радейтана удж.



ВОДЗМÖСТЧÖМ

Виль вермöмъяслань, томулов!

Даша Изъярова велөдчö 7 классын. Сылөн дневникын сöмын «5»-яс. Торйөн нин радейтö математика, роч кыв да история. Спортысь ныв оз жö öтдорччы, ветлöма нин ворсны баскетболөн районса ордысьём вылö. Прöст кадö Даша мичаа серпасасьö. Тшöкыда сылөн творчествоын паныдасылöны вöвъяс - тайö мича пемöсыс торйөн нин воö сылы сёлöмас. А нöшта Даша гижö кывбуръяс да сылö англия кывйөн сьланкывъяс.

Михаил Потапов тшöтш 7 классысь. Велөдчöм кындзи радейтö туризм. Локчимдинса школаын эм туризм серти нырвизь, кытчö окотапырысь пырöд-

чöны ныв-зон, тшöтш и ордысьёмъясын мастерлунсö петкөдлöны. На лыдын и Михаил Потапов. Зон кöсийö шедöдны туризм кузя разряд.

Диана Яранова велөдчö 6 классын. Сийö вермö вöчны кабалаысь мича юсьöс либö кыны бисерысь пу. Сылөн вöчöмторъясыс и збыльысь шензбоданаось, коть ставсö выставка вылын петкөдды. Мастер киа ныв нöшта радейтö йöктыны, а водзынджык весиг велөдöма рукопашной тыш.

Сиам Локчимдин школаысь ныв-зонлы водзö мунны виль вермöмъяслань да нимöдны чужан сиктсö.

Екатерина МИКУШЕВА



ТӖД ВYЛӖ

Быдӧн тӧдӧ, мый ӧтуввезйын эм ставыс, мый йылысь сӧмын он мӧвпышт. А эмӧсь-ӧ сэтшӧм инъяс, кӧни ми вермам лыддысьны, тодмавны вьльторъяс, сёрнитны ӧта-мӧдкӧд комиӧн? Газет лист бокын тӧянлы отсӧг вьлӧ ми вӧзъям коми сайтъяслысь ссылкаяс.

Ӧтуввезйын КОМИ КЫВ

Медводз вӧзъям пыравны Коми Республикаса войтырсикас политика министерстволӧн сайтӧ - <http://minnats.rkomi.ru>

Татысь коми кыв серти тӧдӧмлун паськӧдӧм могысь сюрасны:

- кывкудъяс («Онлайн-словари FU-Lab», «Краткий русско-коми словарь общественно-политических терминов», «Базовая терминология для коми локализации компьютерных программ»;

- мультимедийнӧй петас (шуам, «Коми язык, курс 1 для начинающих (Коми кыв)», «Ош Микул да тӧдысьлӧн пасйӧдъяс», «Кикурулӧкӧд ворсӧмъяс», «Быдтор тӧдны зылысь Ошпи» коми кыв вылын ворсӧмъяс, а сӧдзжӧ «Вслед за коми охотником» вьль тӧдӧмлун сетан диск да «Чуня-Чалая» мойд кузя флеш-ворсӧм;

- сьыланкывъяс;

- И.А.Куратовлӧн «Закар ордын» гижӧд серти мультфильм.

Мӧд бур сайт - Коми да перым-коми кывъяс йылысь сайт - <http://komikyv.com>

Татысь сюрасны:

- быдсикас кывкуд;

- небӧгъяс;

- коми кыв ашӧра велӧдӧм могысь от-асян литература (самоучительяс);

- коми муыввним да морт ним серти ма-териальяс;

- коми фольклор.

КОМИ КЫВ

Сайт о коми (зырянском и пермяцком) языке

Коми вьльторъяс позьӧ тӧдмавны танӧ:

<http://komimu.com/> «Коми йӧзӧдчан керка» учреждениелӧн сайт. Сийӧ ӧтувтӧ «Коми му», «Йӧлӧга», «Чушканзи», «Би кинь», «Войвыв кодзув» газет-журнал.



Коми йӧзӧдчан керка
Издательский дом Коми

<http://www.komipress.ru/> Коми Республикаса информационный портал. Танӧ чукӧртӧма вель уна коми газет-журнал, тшӧтш и районъясысь.

Информационный портал Республики Коми



Коми кыв вылын телепередачясы позьё и отуввезйын видзодны-донъявны, а оз сөмын телевизор экранысь.

Со <http://komigor.com> - «Коми гор» телерадиокомпаниялөн сайт да

<http://www.krtk.ru> - «Юрганлөн» сайт.

<http://radio.krtk.ru/> А тайё лист бокын ассыс удж нуодö коми народнöй радио.

Сідз шусяна социальнöй сетъясын тшöтш юргö коми кыв, со «ВКонтактеын» некымын котыр:

<http://vk.com/intrue> - «Сёрни-басни. Тайё котырын век гажа, тани эмось тешкодъ серпасъяс да видео, а неважөн котырон веськөдлысь Инесса Орёл панис «Ме коми кывсö радейта да төда» флэш-моб.



<http://vk.com/komiosh> - «Коми ош». Тани чукөртöны уна мича снимок да тешкодъ мемъяс.

http://vk.com/tupi_ta - «Тупи-Тап» котырысь ад-дзан финн-йöгра олöмысь уна выльтор, да и гаж-тöмтчыны тани оз радейтны.

<http://vk.com/jortjas> - «Ёртъяс» котыр. Коми кывъя гажа лист бок.

А со «Сёрни-басни» котырын вöзйöмаось коми кывъя блогъяслөн ссылкаяслысь чукөр:

<http://tuvsovja.blogspot.ru/> Алёна Тувсовъя

<http://svaik.blogspot.ru/> Арся

<http://zyrjanka.livejournal.com/> Зырянка

<http://kebrasa.blogspot.ru/> Kebrasa

<http://kolananebog.blogspot.com/> Кола

<http://komikyvbur.blogspot.ru/> Коми кывбуръяс

<http://kuimju.blogspot.ru/> Куим Ю

<http://rassykhaev.blogspot.ru/> Ставыс лоас бур

<http://rassykhaev.livejournal.com/> Ставыс лоас бур


<http://tusjuk.blogspot.ru/> Тусъ



зумыд видзöдласа, енбиа, вежöра йöзлөн мöвпъяс!»

Со мый вöзйö миянлы «Сёрни-басни» котыр: «Лыдды коми блогйысьясос да блогйы ачыд! Тани коми йöзлөн олöмысь серамбанаторъяс, быдсикас выльторъяс, выль коми кывбуръяс, японияса да бельгияса гижöд-ссылан-кывъяс вуджöдöмъяс, мича фотояс да шань сёлöма,

Чайтам, тайё ссылкаясыс отсаласны ставныслы, кодi радейтö да пыдди пуктö коми кыв.



Лист боксö гасьтiс Мария ИГУШЕВА.





Еджыд төв

Төв... Көдзыдөн өвтө тайо кыв-
сыйс. Син водзё сувтё скөр, но
мича серпас: чөла сулалысь
еджыд платтьоа пуяс. Найо
быттгё тшотш полёны көдзыд-
сыйс. Та вөсна и пасьтасёма кодї
кызд вермөма: кодкө сарапана,
кодкө кыз пася, кодкө вевтгысь-
ёма еджыд кышөдөн. Видзөдан да
любуйтчан - ёна жө мича! Синтө
гажөдө. Гөгөр ставыс еджыд-
еджыд, сөстөм-сөстөм, мый лов
вылад лоө тшотш сөстөм. Татшөм
мича серпасыс чужө долыдлун
да кыпыдлун.

Оз ков шуны, мый төвся сер-
пасьясыс шуштөмөсь. Төв пөль
өти пөлөс рөмнас серпасасяс
сідзи, мый мичлуныс адззывлөм-
торсьыс дыр кезлө на коляс па-
метяд.

Төгөр лөнь

Гусьоникөн, лов шысө топө-
дөмөн да кок шысө сайөдөмөн,
матыстчө төв. Лым тола аслас
шоньд да небыд шебраснас лу-
нысь-лун паськөдчө эрдьясти, мед
видзны сійөс көдзыд төлысь. Пуяс
вежисны нин коръя платтьояссө
мича да сөстөм пась вылө, ним-
кодьясьоны выльмөдчөмторьяснас,
быттгё ошйысьоны өта-мөдныс-
лы. Но авъя пельсылы медыджыд
шуд уси: ассыс гөрд сарапансө
сійө мичмөдїс еджыд прөшвиөн
да лоис нөшта на статьяөн. Енэ-
жыс да сөдз сынөдыс тырөмаөсь
кокныдик лым чирьясөн. Найо
гөгралігмоз лэбөны, бергалөны
ичөтик бобувьяс моз да надзө-
никөн усьоны, нөшта на енджы-
ка шебрөдөны мусө. Вөр-ва быт-
тгё ньөжйөникөн унмовсьө. Ве-
сиг шондї оз шонты ывласө, а
лэччө пыр улөджык и улөджык,
зумьд нюмсө пыдї топөдөмөн.
Видзөдлан кө вөрлань, адззан,
мый сійө едждөма жө, нускө-узьö
лөнь унмөн, весиг он кыв сылысь
вашкөдчөмсө. Шойччө тулысөдз,
вынсө чөжө. Гөгөр лөнь...

Виталина ВАВИЛОВА,
13 арөс.
Көрткерөс район.



ВЫЛЬ КЫВБУРЪЯС

Николай ЩУКИН

Нёль сись

Тыртём жырйын пемыд,
 Лунъюгид оз письт,
 Лөня сёрни сэни
 Нуоны нель сись.
 Первой сиськыс шуө:
 – Ме өд мирлөн би,
 Регид куса, кула,
 Некод тай оз видз.
 Збыль өд сідзи лои,
 Кусиг кыліс: ой!
 Быттьө кодкө дойдіс,
 Лэччис синва войт.
 Мөд сись чөла шуис:
 – Эскөм – лоа ме.
 Быдөнлөн тай вуні,
 Мый ме көнкө эм!
 Муртса тайос шуис
 Öдва ломзъыс би,
 Öвтыштіс друг рутор,
 Кусі и мөд сись.
 – А ме сиськыс лоа
 Йөзлөн радейтчөм,
 Меным пом жө воө,
 Пемдө менам рөм.
 Öта-мөдөс важөн
 Радейтчөм оз йит.
 Олөй, кызди гажныд!
 Кусі коймөд сись.
 И друг пемыд жырйө
 Пырис дзоля пи:
 – Ті мөй сотчид, бырид,
 Мыйла кусід ті?
 Тиянтөг өд олөм
 Бурланьө оз письт.
 Ті став йөзлы колад! –
 Бөррдзис дзоля пи.
 Шыасис сэк нельөд:
 – Эн бөрд, дона пи,
 Ме со өзъя, ола,
 Менам эм на би.
 Ме надея йөзлөн,
 Накөд ола нэм.
 Сисьяссө бөр öзтам,
 Лёкыс мед оз вен.
 Зонлөн синмас радлун,
 Босьтіс нельөд сись,
 Öзталіс, эз падмы,
 Ловзисны нель би.
 Надеялөн биыс
 Некор мед оз кус,
 Сыкөд нэм чөж миян
 Олө чужан му.
 Оласны мед нэмъяс
 Радейтчөм да мир,
 Надея да Енкөд
 Огө вошөй ми.



Ноябрь 28-30 лунъясӧ Кулӧмдін районса Помӧсдінын муніс «FUROR-2014». Форум вылӧ чукӧртчылісны Комиысь, Удмуртияысь, Мордовияысь, Марий Элысь, Пермь-Коми, Ханты-Манси, Ямал-Ненеч кытигысысь, Санкт-Петербургысь, Эстонияысь да Финляндияысь томуров.

Форум йылысь сьӧлӧмкылӧмъяснас юксьӧ аслас блогын Евгения Лобанова.

Вын-эбӧстӧм вир-яй да кыпыд лов кылӧм



«FUROR-2014» йылысь ми нин сёрнитам колян кадын... Кымын вын сэтчӧ пуктӧма! И абу весьшӧрӧ! Та йылысь ми висьталім нин республикаса СМИлы: «Юрган» телеканаллы, «Коми му» газетлы...

Кӧсья сӧмын шуны, мый тавося форумыс куим вӧвлӧм письыс меным кажитчис медся шоныдӧн да медся вынаӧн. Тайӧ менам видзӧдлас. Чайта, мый таdzi артмис, сы вӧсна мый тайӧ «FUROR»-сӧ лелькуйтис шань сьӧлӧма, кыпыд руа да енбия уна йӧз. Ставӧн уджалісны ӧтув, вежавидзӧмӧн. Форум пиукным сӧмын заводитас синваасыны, а тані нин кодкӧ матыстчӧ да ланьтӧдӧ сійӧс...

Муӧдз копыр Помӧсдінылы да сэтчӧс войтырлы! Ачым эг ов сиктса керкаын, интернатын капитаналі, но и тані миянлы пыр вӧлі лӧсьыд. Татчӧс уджалысьяс пыр и юаласны: «Ставыс бур? Тшай, гашкӧ, кисьтыны? Абу тшыгӧсь?» А ӧти войӧ менам дона ӧрт Машук нуліс менӧ, менсьым Королеваӧс да Удмуртияысь бур ныв Ленукӧс Бадьӧльйылӧ пывсянӧ.

Сёр кад вылӧ видзӧдтӧг, некод Машукъясын эз узь! Тані ми лӧсьыда шонтысим-пывсим, тшайӧн юктӧдісны, а чӧскыд

пӧжас весиг аскӧд ыстісны. А! Нӧшта тані миянлы ӧна мусмис Ивашев гозьялӧн Ванюк пиньыс. Жӧниклы сӧмын 2 да джын на, а коми кывйыс зонкалӧн кутшӧм сӧстӧм, а вежавидзысь кутшӧм Ванюкыс! Мед пыр таdzi и лӧ, мед дзоньвидза быдмӧ!

«FUROR»-са ӧртъяс зэв жӧ шаньӧсь! Менам, кызди и мукӧд котыртысьлӧн, прӧст кадыс дзик эз вӧв, но удитсьылӧма тай кодкӧдкӧ тӧдмасыны... Локті карӧ,

а «ВКонтакте» пыр то ӧти, то мӧд аттьӧалӧ форумысь. Ӑна майшаси, мый татшӧм ыджыд чукӧртчӧмъяс дырйиыс, ог быдӧнлы удит нюмдыштны, отсыштны... Таво артмис, чайта. Ачым шензя...

Зато сы выйӧдз уджас пырӧдчысьӧма, мый тайӧ вежон чӧжыс висьӧдчи. И насмука, и кыза помтӧг... Та вылӧ видзӧдтӧг, меным нӧти абу гажтӧм. Мед ӧртъяс мунісны, мед нӧрпала... Горшӧй бурдас, а финн-йӧгра чой-воккӧд лӧӧны на паныдасьлӧмъяс, найӧ ӧд дзик матынӧсь, ӧти планета вылын олам.

Во кежлӧ пасйим уна удж. Вӧчнысӧ, дерт жӧ, ӧтув кутам.

А нӧшта на кыпыд лов вылын виччысьтӧм козинъясысь.

Ӑшым тӧлысь медводдза луно вӧвлӧм суседкаӧй, Надюк, дзонь мешӧк Виль вося козин вайис. Тані вӧлі мича открытка, лӧк вӧтъяс вӧтлантор, декупажитӧм ичӧт дӧска, варенньӧ. Ставыс аскиӧн вочӧм! А тӧрыгт Женюк Удалова меным козыналіс ассьыс медводдза петассӧ - радейтана сьыланкывъяса диск. Сідз и окота челядьдырйи моз нерсыштны мукӧд водзас «бе-бе-бе»!

Евгения ЛОБАНОВА

<http://tusjuk.blogspot.ru>

Евгения Удалова
Зарни юрсия ныв

1. ВАЖӦН ЭН ВОЛЫ (ДАВНО ТЕБЯ НЕ БЫЛО)
2. СЫВТЫР ШУД (ОЖАПКА СЧАСТЬЯ)
3. ЗЭР (ДОЖДЬ)
4. НЕ ТЭНӧ КОРА (Я ТЕБЯ ПРОШУ)
5. РАДЕЙТЧӧПЛӦН ЧУЖАН ЛУН (ДЕНЬ РОЖДЕНИЯ ЛЮБВИ)
6. ЗАРНИ ЮРСИА НЫВ (ДЕВУШКА С ЗОЛОТЫМИ ВОЛОСАМИ)
7. КОРЬЯС (ЛИСТЬЯ)
8. ГОЗЬЯ (ПАРА)
9. САНТЕРИ
10. ВОЙ (НОЧЬ)

«РК-11» котыркӧд (с группой «РК-11»):

11. ТӧВСЯ (ЗИМНЯЯ)
12. АДДЗЫСЫЛЫТӧДЗ (ДО СВИДАНИЯ)
13. РАДЕЙТА (ЛЮБЛЮ)
14. ЛО ПЕКӦД (БУДЬ СО ПНОЙ)
15. КОПИ РАДИО





Аудиодиск издан при финансовой поддержке общества М. Вастрена (Финляндия) и администрации Сыктывдинского района Республики Коми.
ИЗДАТЕЛЬ: ООО «ТЕЛЕСЕМЬ КОМИ»
© ЕВГЕНИЯ УДАЛОВА. ВСЕ ПРАВА ЗАЩИЩЕНЫ.
ЭЛ. ПОЧТА: EVKOMI@MAIL.RU





ВӨЛӨМКӨ

Көдздөдө...

- Историкьяс серти, 401, 1011 да 1620 воясын вөлөма зэв көдзид, весиг пö кынмылөма Сьод саридз.

- Абу төла поводдя кө, да төвсә паськөмаөн морт вермө овны 70 градус көдзид дырйи.

- Уна слөя паськөмөн онджык кынмы, өд тадзи шоньдыс озджык пышйы.

- Ки-коктө верман кынтыны 6 градус көдзид дырйи нин.

- 20 градус көдзид дырйи инмөдчан кө көртө, кучикыд вермас «ляксыны» көрт дорө.

- Лыжи спортлөн войтыркостса федерация оз тшөкты нуөдны ордйысьом 17 градус көдзид дырйи. Школаясын физкультура урок ывлаын оз нуөдны 15 градус көдзид дырйи.

-Весиг дзоньвидза мортлөн вермасны висьмыны сьөлөмыс да сөнъясыс көдзид поводдя дырйи, өна кө уджалас-вөрас ывлаын. Быд өти градус улө лэччигөн сутки чөж страна пасьта 200 гөгөр мортлысь топөдө сьөлөмсө.

- Тшыг морт көдзидыны өдйөджыка кынмө. Медым он кынмы, колө сөйны яй, чери, гос, мөс вый, өд наын эм уна калорий.



- Ывлаын бурджык юны лимона пөсь тшай либө маа йөв, а оз кофе.

- Көдзид дырйи куритчыны оз ков. Никотин топөдө сөнтө - вермас сьөлөмыд висьмыны. Войвылын олысь куритчысь йөзлөн тыыс 10-15 воён өдйөджык висьмө лунвывсаысь.

- С витамина сөян оз сөмын өнмөд дзоньвидзалунтө, но и бурмөдө вирыдлысь ветлөмсө, а сідзкө отсалө өдйөджыка шонавны.

- Голландеч Вим Хоф вермө кокниа овны көдзид дырйи. Бурдөдысьяс шуөны, мый сьлөн вир-яйыс некыдз оз вежсыс улыс температура дырйи. Сийө вөчө йога көдзид лым вылын. Нөшта Вим Хоф 20 градус көдзид дырйи котөртөма 22 километра сөмын шорты кежысь, а 2008 воын олөма 73 минут да 48 секунд йиа ваын.

**Видзөй асьтө,
эн кынмөдчөй!**





Виль во кежлад козинъясыд дасьёсь? Да кө, коли сөмын мичаа гартлыны найёс. Дерт, позьё лавкаысь ньобны быдсикас бумага, но од кутшом долыд аслад кион дасьтыны мичмөданторсө, сэк козиныд лоё нөшта на донаджык да сьёлөмсяньыд!

Козинлы паськөм - ас кион

Козинтө мичмөдигон отсасысьясон тэныд лооны уна сикас лента, мольяс, кружева, кольяс, газет-журнал, краскаяс, мишура да дождик.

Гортад, дерт, уна ковтөм газет да журнал сюрас. Мыйон абу козин гартыштан кабала? Лентатө колө бөйрыны паськыдөс, югыдөс (гөрд, лөз да зарни рөмъяса мичаа видзөдсьоны) да мед серпастөм вөлі, сэк ставыс кутас лөсявны отамөдыслы.

Аслыспөлөс гартыштанторйон лооны география мупас (важся контурной картаяс лөсяласны жө), да сідз шусяна крафт кабала, водзын татшөм кабалаон лавкаясын пакетъяс пыдди вөдитчисны. Козин мичмөдөм вылө лөсялас топыд, югыялысь дөра (атлас кодь), но и посни серпасъяса ситеч лоө ас местаын.

Козин позьё пуктыны и көм көрөбө. Медводз, көрөбсө колө эжны өти рөма кабалаон, а сэсся мичмөдны ас окота сертиыд; позьё лякавны вылас фотояс, журналъясысь вундалөм серпасъяс, важ открыткаяс, бумагаысь лым чиръяс, кодзувъяс. Татшөм көрөбыс ачыс козин кодь нин, водзө вылө сэни позяс видзны быдсикас поснитор, сөмын эн вунөд пытшкөссө тшөтш мичмөдны.



Кут төд вылад: мичмөдантортө пысав скотч да клей отсөгөн, козин разигон стэплер вермас дойдны кисө. Лентатө гөрөдав эн топыда, медым козинтө позис разьны кокниа.



Козинлы көрөб колө бөйрыны ыджа серти стөча. Көрөбыс кө ыджыдджык, тырт сійёс дождикон, мишураон либө лыскон.



Мастер-КЛАСС

Мый юрад воё «Виль во» кывъяс кылігөн? Дерт жё, медводз син водзад суетё мича пашкыр коз! А көсьян козьнавы ёртыдлы коз серпаса открытка? Вай видлам дасьтыны-вёчны сійёс.

Козьнала ёртылы Вильвося коз

Открытка дасьтём могысь ковмас топыд картон, а рёмсё бёрыы ас окота серти.

1. Уна рёма кабалаысь вунды визьяс да ёти кодзув. Клей отсёгөн пысаваы визьяссё сідзи, медым артмис коз. Вылас ляк кодзувсё. Медёрын мичмёд.

2. Сідз шусяна квиллингё кө ноксян, позьё вёчны со татшём кокни открытка: картон вылё ляк коз, а вывсё мичмёд квиллингёс чачаён.

3. Аслыспёлёс пашкыр коз позьё вёчны турунвиж рёма кабалаысь. Медводз вунды 4-5 см пасьта визь да нюкльодлы гудёк моз. Картонсё кусынт шёрипов. Ляк артмём визьяссё открытка пытшкё, медым артмис коз, мичмёд кодзув отсёгөн. Открытка восьтигён коз кутас пашкыртчыны.



«Коми йёзёдчан керка»
Коми Республикаса
автономной учреждение,
«Йёлёга» газет
редакция.

Адрес:

167982, Сыктывкар,
К.Маркс улича,
229-öd керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru

Веськёдлысь
В.В.ПОПОВ
Гл.редактор
Г.В.МАКАРОВА



Газет панысь:
Печать да юёр сетан Коми
Республикаса агентство.
Регистрируйтёма
2007 вося ноябрь 28 лунё
йёзлы юёр сетём да
культураса озырлун видзём
кузя оланпасьяс
збыльмёдом бёрся
видзёдысь федеральной
службалён Беломорской
управлениеын.
Регистрируйтан пас:
ПИ №ФС 3-0686.
Социальной тёдчанлуна
гижёдъяссё йёзёдом «Коми
йёзёдчан керка» автономной
учреждениеы печать да юёр
сетан КР-са агентстоён
вичмёдом сьём вылё.



Редакцияын
уджалысьяс:
том йёзлён мытшёдъяс
юкёнон веськёдлысь –
Мария Игушева;
письмё юкёнон
веськёдлысь –
Екатерина Микушева.



Медводдза лист бокас
снимокыс
Екатерина
Микушевёлён.



Авторъяслён мёвпяяс оз
пыр лёсявы редакциялён
видзёдласкёд.



Тираж – 488
Гижёдчан индекс – 52099.
«Йёлёга» газет петё
1991-öd восянь
вёжоннас ётчид, комиён.
Доныс сёрнитчёмён.



Печатьё кырымалан кад:
график серти – декабрь
тёлысьлён 10-öd лунё
16 часын; кырымалёма
печатьё 16 часын.
Газет печатайтёма
«Коми республиканской
типография» ООО-ын дась
оригинал-макетъясысь.
167610, Сыктывкар,
В.Савин улича, 81
Заказ №



«Коми му» - 52042
«Войвыв кодзув» - 73069
«Чушканзі» - 73922
«Йӧлӧга» - 52099
«Би кинь» - 73924

«Олам Комын - лыддысям комиӧн!»

*Вера КРЮЧЕК,
ГИБДД-ысь инспектор*



Пыдди пуктана лыддысьысь!

Тэ ӧнӧдз на эн гижӧдчы «Йӧлӧга» вылӧ? Сӧмын ёртыдлысь босьтлан либӧ библиотекаын ӧдйӧ видзӧ-далан лист бокъяссӧ? Абу ӧмӧй окота, медым гортӧ-дзыг воис газетыд?

Позьӧ нин (да и колӧ!) гижӧдчыны «Йӧлӧга» газет вылӧ локтан 2015 во джын кежлӧ.

Пошта пыр гижӧдчан до-ныс колис важ кодъыс: **296 шайт 88 ур.**

Индекс: **52099.**



Изва районса Бакур грездысь Маргарита Канева декабрь 10 луно пасйис чужан лун. Чолӧмала дона нывъертӧс да сиа крепыдсьыс-крепыд дзоньвидзалун, помтӧм-дортӧм шуд. Медым сӧмын нимкодъ юӧр локтис тэ дорӧ быд лун, а шогыс ылӧ кежис.

Топыда кутла, Катя нывъерт.